



Broj: 03-23-959/19
Vogošća, 02.07.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 02.07.2019. godine donio je

ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE STUDIJE
OPRAVDANOSTI SISTEMA DALJINSKOG GRIJANJA U URBANOM DIJELU OPĆINE VOGOŠĆA

Član 1.

Ponuda grupe ponuđača "Enova" d.o.o. Sarajevo i "Ceteor" d.o.o. Sarajevo, odabrana je za pružanje usluge izrade Studije opravdanosti sistema daljinskog grijanja u urbanom dijelu općine Vogošća, kao jedina pristigla ponuda, sa ukupnom cijenom nabavke u iznosu od 29.000,00 KM bez uračunatog PDV-a, odnosno 33.930,00 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 16.05.2019. godine donio Odluku o pokretanju Otvorenog postupka nabavke usluge izrade Studije opravdanosti sistema daljinskog grijanja u urbanom dijelu općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 14.06.2019. godine pod brojem: 1353-1-2-125-3-92/19. Sažetak Obavještenja o nabavci objavljen je u "Službenom glasniku BiH" broj: 42/19 od 21.06.2019. godine.

Tendersku dokumentaciju sa Portala javnih nabavki BiH je preuzelo 12 (dvanaest) ponuđača. Krajnji rok za dostavu ponuda bio je 01.07.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 01.07.2019. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda, i to grupe ponuđača "Enova" d.o.o. Sarajevo i "Ceteor" d.o.o. Sarajevo, broj int. knjige 215/19, sa ponuđenom ukupnom cijenom nabavke u iznosu od 29.000,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 03-23-959/19 iz juna 2019. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila da ponuda grupe ponuđača "Enova" d.o.o. Sarajevo i "Ceteor" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude grupe ponuđača "Enova" d.o.o. Sarajevo i "Ceteor" d.o.o. Sarajevo, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača-grupe ponuđača "Enova" d.o.o. Sarajevo i "Ceteor" d.o.o. Sarajevo, za pružanje usluge izrade Studije opravdanosti sistema daljinskog grijanja u urbanom dijelu općine Vogošća, kao jedine pristigle ponude, sa ukupnom cijenom nabavke u iznosu od 29.000,00 KM bez uračunatog PDV-a, odnosno 33.930,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Enova" d.o.o. Sarajevo
2. Nadležnoj Službi
3. U dosije
4. a/a

033/279-108

